

seinem gut Szo dem hern Zw Notturfft seiner Teiche Zw bawen gelegenn eynem kauff gehalten vnd in Beysein Richter und Scheppen beschlossenn dergestalt das hanns heinnisch sein gut dis xxxix Jar gebrauchen soll wie vor mit eyn ernden, gras hewen vnd huttunng vnd auff folgende Martinij dises Jares, Szo gibet yme der herre vor das hindertheil so der herre Zw seinen nuze gebrauchet vnd vorteichet auch für das holze hinder den Teichen Bis ahn der walderßdorffer grenign hundert vnd funff vnd Zwenzigk Zittische Margk auff tage als Nemlichn eyn Jar Zwuhe margk, Es wil ym auch der herre auff negstkommende martinij fünff margk Zum ersten angelde paruber geben die ehr auch also empfangen Vnd die hinderstelligen hundert vnd Zwenzigk sollen auff tage gehen Vnd wil gemelder hans heinnisch das fordertheil nach dem dorffe Shona Zw gelegen von den Teichen ahn vor ix Rutten annhemen, mit allen Zinsen, hoffdiensten vnd decem wie ehre Zuorn gehabett vnd Soll auch die Shoff trifft vff den selbigen ix Rutten gehaldenn wherden vnd bleyben wie sie auff den andern guttern ist Dieser kauffe vnd handelunng ist gescheen vnd In Beysein Richter vnd Sheppen als frantz herffartten richter vnd Simon Cunzen Nickell Bischoff Anders Neuman Mathes Linken Merten frolichn vnd Georg Tocoffn Sheppen vorlesen vnd Zwene Zeddel Cynes Lautes aus Einnander geschnitten der herre Eine behalden vnd hans heinnisch die andern gegeben ic.

Schöppenb. Vol. II, S. 3.

VII.

Peter herffartt gelobet vnd stellt Bürgen, sich forthin legen seynen herrn vnd seinen vnderthanen keynerlein weise zu vngreiffen, 1540 freit. n. Trint.

Nach deme peter herffartt durch sein mutwillig furhaben von seinen hern in straffe ehrmals gefenglichen anghemen vnd In burgehanden komen lassen, das ehr ahn denselbigen seynen burgen seine Trew gebrochen, dieselbigen in grosse muhe gefurt wie sich herffartt legen hochgedachter kunig: Matt: ic. auch dem hern Landtvoit vber seynem herrn Thiel knebeln hefftig beclaget, das Im von seynem hern gewaldt vnd vnrecht gescheen wie auch auff kunig: Matt: ic. beschell wolgedachter der her landtvoit sampt den herrn von Lande vnd Stetten, Herffartten vnrecht befunden vnd Strefflich erkandt, vnd Im auch vmb denselbigen seinen mutwillen gefenglich gesezet vnd Sulchs Im ampt verburget das ehr sich legen seinen hernn, wider mit wortten ader wercken In keynerley weise vngreiffen soll, vnd sich an demselbigen handell was der kauff seines guts betreffende